


Emynau a Darlleniadau



Cadeirlan Deiniol Sant
ym Mangor
Saint Deiniol's Cathedral
in Bangor

Cymun Bendigaid ar Gân

Yr Unfed Sul ar Ddeg wedi'r Drindod • 16 Awst 2026

Llywydd
Canon Tracy

Pregethwraig
Deon Manon

Salm 67



Emyn Agoriadol



Cyffwrdd ynom, Dduw pob llafar,
rho i'n moliant newydd flas;
rho'r marworyn ar bob gwefus
i gyhoeddi maint dy ras:
llifed geiriau cysur drwom
i ddiddanu'r unig, trist;
gad i ni adleisio'r cariad
sydd yn nwf n dosturi Crist.

Dy gread maith mewn gwewyr sydd
yn disgwyl gwawr y newydd ddydd
pan fyddo cariad wrth y llyw
a phawb mewn cariad yn cyd-fyw;
drwy wyrth dy ras, O gwna ni'n un
a'n creu o newydd ar dy lun.

Cyflawnder pob cyflawnder yw
dy gariad hael, sy'n ystyr byw;
mae grym dy groes a'th aberth drud
yn obaith cymod i'r holl fyd;
O achub ni, ryfeddol Un,
i fywyd newydd ar dy lun.

Geiriau
Dewi Jones
Cerddoriaeth | "Tany Marian"
Tany Marian (Edward Stephen, 1822-1885)

Colect

ODduw, yr wyt yn amlygu dy allu anfeidrol yn bennaf trwy ddangos trugaredd a thosturi: dyro inni'n drugarog y fath fesur o'th ras, fel y bo i ni, gan redeg ar hyd ffordd dy orchmynion, dderbyn dy addewidion grasol, a'n gwneud yn gyfranogion o'th drysor nefol; trwy Iesu Grist ein Harglwydd, sy'n fyw ac yn teyrnasu gyda thi a'r Ysbryd Glân, yn un Duw, yn awr ac am byth. **Amen.**

Y Moled y bobl, O Dduw, dy enw mawr a'th ras.

R Moled y bobl, O Dduw,
dy enw mawr a'th ras.

Bydded Duw yn drugarog wrthym a'n bendithio, bydded llewyrch ei wyneb arnom, er mwyn i'w ffyrdd fod yn wybyddus ar y ddaear, a'i waredigaeth ymysg yr holl genhedloedd. **R**

Bydded i'r bobloedd dy foli, O Dduw, bydded i'r holl bobloedd dy foli di. Bydded i'r cenhedloedd lawenhau a gorfoleddu, oherwydd yr wyt ti'n barnu pobloedd yn gywir, ac yn arwain cenhedloedd ar y ddaear. **R**

Bydded i'r bobloedd dy foli, O Dduw, bydded i'r holl bobloedd dy foli di. Rhoes y ddaear ei chnwd; Duw, ein Duw ni, a'n bendithiodd. Bendithiodd Duw ni; bydded holl gyrrau'r ddaear yn ei ofni. **R**

Cerddoriaeth
Sam Jones

Rhufeiniaid 11:1-2a, 29-32

Yr wyf yn gofyn, felly, a yw'n bosibl fod Duw wedi gwrthod ei bobl ei hun? Nac ydyw, ddim o gwbl! Oherwydd yr wyf fi yn Israeliad, o linach Abraham, o lwyth Benjamin. Nid yw Duw wedi gwrthod ei bobl, y bobl a adnabu cyn eu bod. Oherwydd nid oes tynnu'n ôl ar roddion graslon Duw, a'i alwad ef. Buoch chwi unwaith yn anufudd i Dduw, ond yn awr, o ganlyniad i'w hanufudd-dod hwy, yr ydych wedi cael trugaredd. Yn yr un modd, o ganlyniad i'r drugaredd a gawsoch chwi, y maent hwy hefyd wedi anufuddhau yn awr, fel mai derbyn trugaredd a wnânt hwythau. Y mae Duw wedi cloi pawb yng ngharchar anufudd-dod, er mwyn gwneud pawb yn wrthrychau ei drugaredd.

Mathew 15:21-28

Aeth Iesu allan oddi yno ac ymadawodd i barthau Tyrus a Sidon. A dyma wraig oedd yn Ganaanëes o'r cyffiniau hynny yn dod ymlaen a gweiddi, "Syr, trugarha wrthyf, Fab Dafydd; y mae fy merch wedi ei meddiannu gan gythraul ac yn dioddef yn enbyd." Ond nid atebodd ef un gair iddi. A daeth ei ddisgyblion ato a gofyn iddo, "Gyr hi i ffwrdd, oherwydd y mae'n gweiddi ar ein hôl." Atebodd yntau, "Ni'm hanfonwyd at neb ond at ddefaid colledig tŷ Israel." Ond daeth hithau ac ymgrymu iddo gan ddweud, "Syr, helpa fi." Atebodd Iesu, "Nid yw'n deg cymryd bara'r plant a'i daflu i'r cŵn." Dywedodd hithau, "Gwir, syr, ond y mae hyd yn oed y cŵn yn bwyta o'r briwsion sy'n syrthio oddi ar fwrdd eu meistri." Yna atebodd Iesu hi, "Wraig, mawr yw dy ffydd; boed iti fel y mynni." Ac fe iachawyd ei merch o'r munud hwnnw.

Emyn yr Offrwm



Am Iesu Grist a'i farwol glwy'
boed miloedd mwy o sôn,
a dweded pob rhyw enaid byw
mai teilwng ydyw'r Oen.

Fe ddaeth yn dlawd, etifedd nef,
i ddioddef marwol boen;
myneged pob creadur byw
mai teilwng ydyw'r Oen.

Y llu angylaid draetha nawr
am rinwedd mawr ei boen;
cydganed pawb o ddynol-ryw
mai teilwng ydyw'r Oen.

Aed sôn am waed yr Oen ar led
y ddaear faith i gyd;
gwybodaeth bur a chywir gred
ymdaened dros y byd.

Geiriau

Thomas Jones (1768-1850)

Cerddoriaeth | "French"

Sallwyr Albanaidd *The CL Psalms of David* (1615)

Emyn Ôl-Gymun



Mawr oedd Crist yn nhragwyddoldeb,
mawr yn gwisgo natur dyn;
mawr yn marw ar Galfaria,
mawr yn maeddu angau'i hun;
hynod fawr yw yn awr,
Brenin nef a daear lawr.

Mawr oedd Iesu yn yr arfaeth,
mawr yn y cyfamod heddi;
mawr ym Methlem a Chalfaria,
mawr yn dod i lan o'r bedd:
mawr iawn fydd ef ryw ddydd
pan ddatguddir pethau cudd.

Mawr yw Iesu yn ei Berson,
mawr fel Duw, a mawr fel dyn,
mawr ei degwch a'i hawddgarwch,
gwyn a gwridog teg ei lun:
mawr yw ef yn y nef
ar ei orsedd gadarn, gref.

Geiriau

1, 3. Titus Lewis (1773-1811); 2. Anadnabyddus

Cerddoriaeth | "Bryn Myrddin"

John Morgan Nicholas (1895-1963)